



**Selasa, 28 Juni 2022**  
**Ogen: Kuan-Kuanen 23:4-5**



**SENGKERMIREP SAJA**



**D**oni enda dem alu kejuten-kejuten. Sengkemirep mata saja kai si ndube teneng, aman teduh banci jadi gerupuh, kacau ras ceda. Mari sibuat contoh i bas malam natal 2006 i ja terjadi tsunami Aceh. I bas berngin jadi tsunami ndai, tunduh kel kerina kalak e, sabap labo iakap tempa lit tanda-tanda kejadiin mbelin nandangi seh. Reh gempa, deba nggo kiam deba tunduh denga, reh lau ergalun-galun deba lit pedakkenna mata jenari nggo isasap lau ndai. Adi sibayangken tuhu-tuhu ngeri janah kai pe labo banci ertahan ngalaken kuasa Tuhan e. Senina-senina moria, kai pe barang doni enda labo ngasup natang-natang kita. Mbue kalak erpengakap maka adi mbue sen maka nggo aman geluh e. Erkiteken si e merhat kel kerina kalak jadi kalak bayak. Dosa siipersingetken man banta labo erdosa ersura-sura jadi kalak bayak. Tapi erdosa kita adina nggeluh i bas kemewahen, hawa nafsu kedagingen, man ras minem berlebihan, men-Tuhanken-sen ras kebayaken i bas geluhna. Sekalak pengusaha tambang emas ras pirak i Brasil ndabuh jadi musil ulihi erkiteken kecerobohenna. Padahal kebayakenna pernah seh Rp 457 Milyar ras lit 6 perusahanna. Kepeken gelah mulus usahana e, isuapna pegawai pemerintahen si kedungenna meras ia seh maka nggo mbue utang, bangkrut. Piga-piga asetna pe isita pemerintah bagi pesawat pribadi, kalak ras rumah-rumah singgo tukurna. Sengkemirep mata ngenca.

Salomo ningetken kita, erdahinlah tapi ula terobsesi bas pendahin e. Erdahin siutamakal e me ibadah, adi dat rejeki je nari berarti berkenan Tuhan. Ula merangap. Erkeleng ate nandangi sen, jadi bena-bena kita ermusuhen ras Dibata. Sebab roh Mammon (roh cinta uang) e mabai kita ersura-sura lebih i bas kegeluhen enda asangken singasup kita mabasa. Pepulunglah erta surga, waktu kebersamaan ras keluarga ras siikelengi kita. Rejeki e Tuhan singaturkenca.